

**Գեղարքունիքի մարզպետ Կարեն Սարգսյանի շնորհավորական ուղերձը՝
բուժաշխատողի օրվա առիթով
21.06.2023**

Առողջապահության ոլորտի հարգելի աշխատակիցներ, սրտանց շնորհավորում եմ բոլորիդ ձեր մասնագիտական տոնի՝ Բուժաշխատողի օրվա առիթով: Սա ևս մեկ առիթ է՝ անդրադառնալու ձեր դժվարին և պատասխանատու աշխատանքին, արժևորելու այն ջանքն ու եռանդը, որ բժիշկը ներդնում է յուրաքանչյուր հիվանդի ապաքինման գործում: Ձեր նվիրված աշխատանքի, մասնագիտական բարձր պատրաստվածության ու հոգատար վերաբերմունքի շնորհիվ ամեն օր հարյուրավոր մարդկանց վերադարձնում եք իրենց ամենամեծ հարստությունը՝ առողջությունը, հաճախ նաև կյանքը:

Մենք ականատես ենք եղել բուժաշխատողների անձնուրացության բազմաթիվ դրվագների, երբ թե տարերային աղետների ժամանակ, թե ռազմական գործողությունների բովում վտանգելով սեփական կյանքը՝ դուք փրկում էիք հարյուրավոր մարդկային կյանքեր:

Վստահ եղեք, որ մենք գնահատում ենք ձեր շնորհակալ աշխատանքն ու շարունակելու ենք, պետության հնարավորությունների մեծացմանը զուգահեռ, բարելավել ձեր աշխատանքի պայմանները, թե լուծել առողջապահության ոլորտի աշխատողների առաջ ծառայած խնդիրները:

Կայուն և դինամիկ զարգացող առողջապահական համակարգը մեր հայրենիքի ընդհանուր զարգացման հիմնական և կարևոր ուղղություններից է: Կրկին անգամ բոլոր բուժաշխատողներին մաղթում եմ քաջառողջություն, ուժ և տոկունություն պատասխանատու առաքելությունն իրականացնելու ընթացքում: